



Minnesota Down Payment Assistance Grant

FY 2026 Cov Lus Qhia Txog Ntawm Qhov Nyiaj Pab

Daim ntawv thov yuav tsum muab xa tuaj tsis pub dhau 11:59 p.m. Hnub Tim 15 Lub Cuaj Hli, 2025

Raws li txoj cai lij choj Americans with Disabilities Act, cov ntaub ntawv no muaj nyob ua lwm hom kev sib txuas lus yog xav tau, hu rau 651-201-6000. Cov neeg siv TTY hu rau Minnesota Relay Service ntawm 711. MDA yog ib lub chaw ua hauj lwm thiab chaw muab kev pab uas muab kev vaj huam sib luag rau txhua tus neeg.

Cov Ntsiab Lus

Cov Ntsiab Lus.....	3
Kev Piav Qhia Txog Qhov Nyiaj Pab	1
Qhia Dav	1
Kev Muaj Nyiaj Pab.....	1
Kev Tsim Nyog	2
Cov Neeg Thov uas Tsim Nyog Tau.....	2
Kev yuav tsim nyog.....	3
Kev yuav TSIS tsim nyog	3
Nyiaj Pab Sib Npaug.....	4
Yuav Thov Li Cas thiab Cov Sij Hawm Ntawm Qhov Nyiaj Pab	5
Thov hauv online	5
Tom qab tau kev pom zoo	5
Yuav Xa Cov Lus Nug Li Cas.....	7
Cov Cai Los Xyuas Daim Ntawv Thov	7
Kev Xyuas Thiab Txheej Txheem Faib Qhov Nyiaj Pab	7
Muaj Kev Cuam Tshuam Vim Kev Sib Txheeb.....	7
Kev Ceeb Toom Txog Kev Ceeb Ntiag Tug Thiab Kev Faib Qeb Ntawm Cov Ntaub Ntawv	8
Cov Kev Yuav Tsum Ua Rau Cov Neeg Tau Nyiaj Pab	10
Kev Lav Ris Thiab Kev Tshaj Tawm.....	10
Daim Ntawv Cog Lus Rau Qhov Nyiaj Pab Thiab Kev Them Nyiaj.....	10
Kev Tshuaj Xyuas Qhov Project	10
Txoj cai kom muaj vaj huam sib luag thiab txhob muaj kev ntxub ntxaug.....	11
Kev Yuav Tsum Cuv Npe Rau Kev Pov Npav	11
Cov Lus Txhais Thiab Cov Lus Nug Hauv Daim Ntawv Thov.....	12
Cov Lus Txhais.....	12
Cov Lus Nug Hauv Daim Ntawv Thov.....	12

Kev Piav Qhia Txog Qhov Nyiaj Pab

Qhia Dav

Qhov nyiaj pab Minnesota Down Payment Assistance Grant muab tau mus txog **\$20,000 rau cov neeg ua liaj ua teb tsim nyog los yuav lawv thawj thaj teb ua liaj ua teb**. Qhov kev pab cuam nyiaj pab no yog los ntawm Minnesota Department of Agriculture (MDA) qhov kev pab Rural Finance Authority (RFA), uas yog ib feem ntawm RFA lub hom phiaj los txhawb kev tsim kho cov peev txheej ua liaj ua teb hauv lub xeev.

Lub hom phiaj ntawm qhov kev pab cuam nyiaj pab no yog pab cov neeg ua liaj ua teb nqis peev los ua tswv teb. Vim tias cov neeg ua liaj ua teb hauv peb lub xeev lub hnuv nyoog nruab nrab tab tom nce siab, thiab kev hloov chaw ua teb thiab kev npaj cia kom muaj kev kav ntev ntxiv rau cov tsev neeg ua liaj ua teb yog ib qho tseem ceeb rau txoj kev ua teb.

Kev Muaj Nyiaj Pab

Lub Minnesota State Legislature tau faib \$1.25 lab rau txhua xyoo ntawm qhov kev pab cuam nyiaj pab no rau xyoo nyiaj siv 2026 thiab 2027 (pib Lub Xya Hli 1 mus txog Lub Rau Hli 30). Txhua qhov nyiaj uas tseem tshuav los ntawm FY26 yuav siv tau rau FY27.

MDA yuav faib cov nyiaj pab no los ntawm kev cuv xab lab, thiab yuav muab ua ntej rau cov neeg thov uas tsim nyog uas muag qoob loo tag nrho ib xyoo tsis tshaj \$100,000 thiab cov neeg thov uas tsim nyog uas yog cov tsim khoom ntawm industrial hemp, cannabis, los sis qoob loo tshwj xeeb. Kev tsim nyog yuav raug piav qhia ntxiv rau nplooj tom ntej. Yog koj tsis muaj feem rau qhov uas yuav tau ua ntej, koj tseem muaj cai thov tau.

Kev Tsim Nyog

Cov Neeg Thov uas Tsim Nyog Tau

Cov neeg thov yuav tsum:

- Yog ib tus tib neeg. Thaj teb yog tsim raws li LLCs, kev koom tes, nonprofits, thiab lwm hom lag luam yuav tsum thov thiab yuav av raws li ib tus tib neeg. Lub npe ntawm qhov nyiaj qiv siv tau lub npe ntawm lub lag luam yog tias tus neeg muaj npe nyob hauv daim ntawv yuav av (deed). Cov neeg thov tsuas muaj cai xa ib daim ntawv thov rau ib thaj teb/ib tsev neeg xwb.
- Yog ib tug pej xeev nyob hauv Minnesota.
- Muab pov thawj tias muaj kev paub txog hom kev ua liaj ua teb uas lawv npaj yuav ua. Qhov no suav nrog kev ua hauj lwm ntawm ib thaj teb, kev cuv npe los sis kawm tiav ib qhov kev cob qhia kev tsim qoob loo los sis kev tswj hwm kev lag luam ua liaj ua teb, koom nrog ib tug neeg qhia ua liaj ua teb, los sis lwm yam kev paub txog kev ua liaj ua teb uas muaj laj thawj.
- Muaj nyiaj tag nrho tsawg dua \$250,000 los ntawm kev muag cov qoob loo hauv xyoo se uas nyuam qhuav dhau los.
- Tus neeg thov thiab nws tus txij nkawv yuav tsum tsis tau muaj npe ua tswv rau ib thaj teb ua liaj ua teb los sis tsis tau muaj feem koom ua tswv rau thaj av ua liaj ua teb.
- Tus neeg thov yuav tsum tsis txheej los ntawm caj ces los sis kev sib yuav rau ntawm tus tswv ntawm tshaj av uas lawv npaj yuav yuav.
- Yuav tsum yog tus muab feem ntau ntawm kev ua hauj lwm nruab hnub rau ntawm thaj teb ua liaj ua teb.
- Yeej npaj siab yuav thaj av tsawg kawg 5 xyoo. Cov neeg uas tau txais qhov nyiaj pab no uas tsis ua raws lub sij hawm no yuav tau them qhov nqi nplua rau tus commissioner sib npaug li 20% ntawm qhov nyiaj pab rau txhua xyoo uas muaj feem.
- Yuav tsum nyob rau qhov zoo (good standing) nrog lub xeev Minnesota:
- Tsis tshuav se them.
- Nyob rau 7 xyoo dhau los no, tus neeg thov yuav tsum tsis tau ua txhaum ib daim ntawv cog lus los sis tsis them rov qab cov nyiaj uas lub xeev Minnesota tau muab nyiaj pab.
- Ua tau raws li kev cia siab ntawm cov nyiaj pab los ntawm MDA yav dhau los.
- Ua raws li cov cai tam sim no ntawm lub xeev.
- Yuav tsum tsis tau raug txim hauv ib qho kev ua txhaum ntawm lub xeev los sis tsoom fwm teb chaws uas muaj feem xyuam nrog daim ntawv cog lus nyiaj pab ntawm lub xeev.

Cov neeg thov uas muaj cai ua ntej:

- Muaj nyiaj tag nrho tsawg dua \$100,000 los ntawm kev muag cov qoob loo hauv xyoo se uas nyuam qhuav dhau los, **los sis**
- Tsim ib los sis ntau yam qoob loo hauv qab no:
- qoob loo siv los tsim khoom (industrial hemp)

- tshuaj xa (cannabis)
- Cov qoob loo tshwj xeeb uas United States Department of Agriculture tau txhais: txiv hmab txiv ntoo thiab zaub, tshuaj ntsuab kho mob (medicinal plants), tshuaj ntsuab thiab txuj lom (herbs and spices), qoob loo vaj (horticulture crops), qoob loo paj (floriculture crops), ua yuj (nursery crops)

Kev yuav tsim nyog

Kev yuav thaj av ua liaj ua teb yuav tsum:

- Yog kev yuav av tiag tiag uas siv rau kev ua liaj ua teb (av uas cog tau qoob loo, tsev ntsuab rau kev ua lag luam, tsev npua, thiab lwm yam.).
- Nyob hauv ciam teb ntawm lub xeev Minnesota.
- Ua **tom qab** tau txais kev pom zoo rau daim ntawv thov. MDA muab tsis tau qhov nyiaj pab rau thaj av uas twb tau yuav lawm.
- Yuav tsum tshwm sim tsis pub dhau rau lub hlis tom qab tau txais daim ntawv pom zoo rau daim ntawv thov los sis tsis pub dhau Hnub Tim 30 Lub Rau Hlis Xyoo 2026, qhov twg los txog ua ntej. Cov neeg tau txais nyiaj pab muaj cai thov kev ncuaj sijhawm yog tias tus neeg tau txais nyiaj pab twb muaj daim ntawv cog lus yuav thaj av ua liaj ua teb uas lawv npaj yuav lawm, los sis yog lawv tab tom ua hauj lwm nrog ib tug technical assistance (TA) provider uas RFA tau pom zoo thiab tus ntawd lees paub tias tus neeg tau txais nyiaj pab tseem tab tom nrhiav thiab muaj peev xwm them taus kev yuav thaj av ua liaj ua teb. Daim ntawv teev cov TA providers uas tau pom zoo thiab cov lus qhia ntxiv muaj nyob rau nplooj ntawv 5 ntawm phau ntawv no.

Kev yuav TSIS tsim nyog

Cov kev yuav uas tsis tsim nyog suav nrog tiam sis tsis txwv rau:

- Kev yuav thaj av ua liaj ua teb ua ntej daim ntawv thov tau txais kev pom zoo.
- Kev yuav thaj av los ntawm ib tug neeg txheeb ze hauv tib tsev neeg ntawm tus neeg uas tau txais qhov nyiaj pab los sis tus txij nkawm ntawm tus neeg uas tau txais qhov nyiaj pab. Kev txheeb ze hauv tib tsev neeg muaj nyob txhais hauv qeb 267(c)(4) uas nyob ntawm txoj cai Internal Revenue Code, nws kuj yog nus muag, tus txij nkawv, leej niam txiv, pog thiab yawg, cov me nyuam thiab cov xeeb leej xeeb ntxwv ntawm caj ces. Phauj/txiv ntxawm/hlob, tub/ntxhais uas yog xeeb leej xeeb ntxwv, thiab kwv tij sab nraud tsis suav tias yog kev txheeb ze hauv tib tsev neeg.
- Yog tias kev yuav thaj av tsis yog rau kev ua liaj ua teb. Yog tias thaj av yuav ntawd muaj ib lub tsev nyob los sis lwm yam kev txhim kho uas tsis yog rau kev ua liaj ua teb, tus nqi ntawm thaj av uas tsis suav nrog lub tsev nyob yuav tsum **tsawg kawg** sib npaug li tus nqi ntawm qhov nyiaj pab ntxiv nrog \$8,000 uas tus neeg thov yuav tsum muab. Qhov nyiaj pab tsuas siv tau rau thaj av ua liaj ua teb tiag xwb hauv kev yuav ntawd (av cog qoob loo, tsev tsiaj, thiab lwm yam tsev nyob sab nraud (outbuildings)).
- Kev yuav ib lub tsev nyob hauv ib thaj chaw uas muaj neeg nyob coob hauv nroog los sis zej zog nyob ua ke. Kev ua liaj ua teb hauv nroog yuav raug xyuas ib qho zuj zus los txiav txim seb puas tsim nyog suav tias yog kev ua liaj ua teb. Cov neeg thov uas npaj ua liaj ua teb hauv nroog yuav tsum muaj pov thawj ntxiv txog daim ntawv tso cai, phiaj xwm lag luam, kev qiv nyiaj rai kev tsim kho, los sis lwm yam ntaub ntawv uas qhia tias thaj av ntawd muaj cai ua liaj ua teb.

Nyiaj Pab Sib Npaug

Qhov Down Payment Assistance Grant qhia tias txhua tus uas tau txais qhov nyiaj pab yuav tsum muaj lwm qhov nyiaj tsawg kawg \$8,000. Qhov nyiaj no tuaj yeem yog nyiaj ntsuab, nyiaj qiv, ib daim ntawv cog lus rau daim ntawv tswv av (deed), lwm qhov nyiaj pab, los sis ob peb qho ntawm cov hais los no. Qhov \$8,000 no tsis tas yuav yog tus neeg ua liaj ua teb qhov nyiaj ntiag tug.

Yog tus neeg ua liaj ua teb xav tau tag nrho \$20,000 uas yog qhov siab tshaj plaws ntawm qhov nyiaj pab, nws yuav tsum muaj lwm qhov nyiaj tsawg kawg \$8,000. Yog tias muaj tsawg dua \$8,000, qhov nyiaj pab siab tshaj plaws yuav sib npaug li qhov uas nws muab tau xwb.

Cov Kev Piv Txwv

Tus Nqi Yuav	Tus Neeg Thov Qhov Nyiaj Muaj Ntawm Tes	Nyiaj Tau Los Ntawm Lwm Qhov Chaw	Qhov Tau Ntawm Qhov Nyiaj Pab
\$400,000	\$5,000	\$380,000 nyiaj qiv	\$20,000
\$30,000	\$0	\$10,000 qhov tau cog lus rau daim ntawv tswv av (deed)	\$20,000
\$15,000	\$2,500	\$5,000 los ntawm lwm qhov nyiaj pab	\$7,500

Yog tias tau txais kev pom zoo, cov neeg thov yuav tsum muab tau cov ntaub ntawv pov thawj (xws li daim ntawv pom zoo, kev kwv yeas ntawm qhov nyiaj qiv, thiab lwm yam) seb tau qhov nyiaj los qhov twg los thiab qhov nyiaj qiv los yuav thaj av.

Yuav Thov Li Cas thiab Cov Sij Hawm Ntawm Qhov Nyiaj Pab

Cov nyiaj pab yuav raug faib los ntawm kev cuv xab lab, thiab yuav muab ua ntej rau cov neeg thov uas tsim nyog uas muag tau qoob loo tag nrho ib xyos tsis tshaj \$100,000 thiab cov neeg thov uas tsim nyog uas cov qoob loo siv los tsim khoom (industrial hemp), tshuaj xa (cannabis), los sis cov qoob loo tshwj xeeb uas United States Department of Agriculture tau txhais. Kev thov yuav **qhib rau Hnub Tim 5 Lub Yim Hlis Xyoo 2025, thiab kaw thaum 11:59 p.m. Hnub Tim 15 Lub Cuaj Hlis Xyoo 2025**. Kev cuv xab lab los xaiv cov neeg kom tau txais nyiaj pab yuav tshwm sim rau Lub Kaum Hli. Koj muaj cai saib cov lus nug ntawm daim ntawv thov hauv nplooj ntawv kawg ntawm phau ntawv no.

Thov hauv online

Txhawm rau kom thov tau, koj yuav tsum ua tiav daim ntawv thov hauv online, uas yuav muaj nyob hauv [qhov website ntawm qhov kev pab cuam](https://mda.state.mn.us/downpayment) (mda.state.mn.us/downpayment). Tsis tas yuav cuv npe ua ntej los sis tsim ib tug account.

Koj yuav tau txais ib tsab email lees paub tom qab koj xa koj daim ntawv thov uas koj yuav tsum khaws cia rau koj cov ntaub ntawv. **MDA tsis muaj kev lav ris rau txhua yam teeb meem kev siv technology los sis lwm yam xwm txheej uas yuav txais tsis tau koj daim ntawv thov los sis kev sib txuas lus ntxiv txog qhov nyiaj pab**. Tus neeg thov yuav tsum lav ris kom ntseeg tau tias MDA tau txais lawv daim ntawv thov thiab xyuas seb lawv daim ntawv thov nyiaj pab mus txog qhov twg lawm. **Hu rau MDA yog koj tsis tau txais tsab email lees paub tom qab koj tau xa daim ntawv thov**.

Koj muaj cai thov kom xa daim ntawv thov tuaj rau koj los ntawm kev hu rau 651-201-6316 los sis email rau RFA.loans@state.mn.us. Tiam sis, peb xav kom siv daim ntawv thov nyob hauv online kom tsis txhob qeeb rau txoj kev xa ntawv thiab kom muaj tau cov ntaub ntawv lees paub tias tau txais koj daim ntawv thov. Cov ntawv thov uas xa tuaj hauv mail yuav suav tias tau txais nyob rau hnub uas tau muaj cim cia. MDA tsis muaj kev lav ris rau txhua yam teeb meem tshwm sim hauv txheej txheem ntawm kev xa ntawv tuaj.

Tom qab tau kev pom zoo

Yog tus neeg thov raug xaiv los ntawm kev cuv xab lab thiab tau txais kev pom zoo rau qhov nyiaj pab, tus neeg thov **yuav tsum ua tiav kev yuav thaj av ua liaj ua teb tsis pub dhau rau lub hlis tom qab tau txais kev pom zoo** los sis tsis pub dhau Hnub Tim 30 Lub Rau Hlis Xyoo 2026, qhov twg los txog ua ntej. MDA yuav muab kev pom zoo thawj zaug rau Lub Kaum Hli thiab tuaj yeem yuav muaj kev pom zoo rau cov neeg thov uas nyob rau daim ntawv tseem tos (waitlist) rau lub sij hawm ntawm Lub Kaum Hli Xyoo 2025 mus txog Lub Rau Hli 2026 yog tias cov neeg tau txais thawj zaug tau tso tseg qhov nyiaj pab los sis poob lawv qhov nyiaj pab.

Cov neeg tau txais nyiaj pab muaj cai thov kev ncua sij hawm yog tias lawv twb muaj ib daim ntawv cog lus yuav thaj av uas lawv npaj yuav lawm, los sis yog lawv tab tom ua hauj lwm nrog ib tug technical assistance (TA) provider uas RFA tau pom zoo. Tus neeg tau txais nyiaj pab yuav tsum qhia tau tias muaj kev sib txuas lus tsis tu ncua txhua lub asthiv tsawg kawg ib hlis nrog tus TA provider uas yuav tsum lees paub tias tus neeg tau txais

nyiaj pab tseem tab tom nrhiav av los ua liaj ua teb thiab muaj nyiaj txiag los yuav thaj av. Cov TA providers uas tau pom zoo suav nrog:

- [MDA Farm Advocates](#)
- [Cov kws qhia txog Kev Tswj Kev Lag Luam Ua Liaj Ua Teb Hauv Zos \(Local Farm Business Management \)](#)
- [Farmland Access Navigators](#) (muab kev pab rau ntau hom lus)
- [Cov chaw muaj nyiaj qiv uas tau pom zoo los ntawm RFA](#)

Tom qab tau txais kev pom zoo, MDA yuav xa ib tsab ntawv pom zoo rau cov neeg tau txais nyiaj pab nrog rau qhov nyiaj pab uas lawv yuav tau txais thiab cov lus qhia ntxiv. Cov neeg tau txais nyiaj pab yuav tau txais cov nyiaj los ntawm kev xa ncaj qha rau tus account (direct deposit) los sis daim tshev xa ua ntej lawv ua tiav kev yuav thaj av.

Yog tau txais kev pom zoo, tus neeg thov yuav tsum muab tau:

- Daim ntawv cog lus yuav thaj av tsis pub dhau 30 hnuv ntawm hnuv kaw (closing deadline) (yuav tau kos npe ua ntej los sis tom qab daim ntawv thov tau txais kev pom zoo).
- Tsab ntawv pom zoo, kev kws yees ntawm qhov nyiaj qiv, los sis lwm yam pov thawj los them thaj av yuav ntawd.
- Daim ntawv ua se uas ua tshiab tshaj plaws los sis daim ntawv lees paub (affidavit) uas tau kos npe txog lawv qhov muag qoob loo.

Cov neeg tau txais nyiaj pab yuav tsum koom nrog ib qho kev cob qhia hauv online uas yuav tsum muaj tom qab lawv tau txais lawv qhov nyiaj pab los kawm ntxiv txog lub sij hawm thiab qhov kev cia siab ntawm qhov nyiaj pab no. MDA yuav xa cov lus qhia txog qhov kev cob qhia no los ntawm email tom qab tau txais kev pom zoo.

Yog tus neeg tau txais nyiaj pab tsis muab cov ntaub ntawv raws li hnuv kawg tau hais tseg los sis **tsis tuaj koom lub rooj cob qhia** (los sis tsis npaj ib hnuv los sis sij hawm los hloov), **lawv yuav poob lawv qhov nyiaj pab.**

Piv Txwv Ntawm Cov Sij Hawm

- Tus neeg thov pib txheej txheem thov qiv nyiaj nrog cov tsev txhab nyiaj los sis Farm Service Agency (FSA) thiab nrhiav thaj av los yuav.
- Tus neeg thov xa daim ntawv thov rau Down Payment Assistance Grant.
- MDA pom zoo daim ntawv thov, thiab tus neeg tau txais nyiaj pab tau txais tsab ntawv pom zoo uas siv tau rau rau lub hlis.
- Nyob rau hauv lub sij hawm rau lub hlis uas tau txais kev pom zoo:
- Tus neeg thov muab daim ntawv luam ntawm daim ntawv cog lus yuav thaj av, kev pom zoo rau qhov nyiaj qiv, thiab daim Schedule F xa mus rau MDA.
- Tus neeg thov kos daim ntawv cog lus rau qhov nyiaj pab nrog MDA.
- Tus neeg thov tau txais cov nyiaj pab los ntawm MDA.
- Kev yuav thaj av ua tiav (closing).
- Tus neeg thov xa daim ntawv kaw tsev (sale settlement statement) rau MDA tsis pub dhau peb hnuv tom qab tau kaw tsev.

Yuav Xa Cov Lus Nug Li Cas

Cov neeg thov muaj cai xa lus nug los ntawm kev xa email rau RFA.loans@state.mn.us los sis hu rau 651-201-6316.

Cov Cai Los Xyuas Daim Ntawv Thov

Kev Xyuas Thiab Txheej Txheem Faib Qhov Nyiaj Pab

MDA yuav xyuas txhua daim ntawv thov uas tau ua tiav thiab xa tuaj rau ntawm Hnub Tim 5 Lub Yim Hlis mus txog Hnub Tim 15 Lub Cuaj Hlis Xyoo 2025 kom paub tseeb tias seb puas tsim nyog tau txais qhov nyiaj pab. Txhua daim ntawv thov uas tsim nyog yuav raug muab tso rau hauv kev cuv xab lab los txiav txim seb yuav muab nyiaj pab li cas. Tsis hais thaum rho npe hauv kev cuv xab lab li cas, MDA tseem yuav muab ua ntej rau cov neeg thov uas tsim nyog uas muaj kev muag qoob loo tag nrho ib xyoo tsis tshaj \$100,000 thiab cov neeg thov uas tsim nyog uas yog cov tsim khoom ntawm qoob loo siv los tsim khoom (industrial hemp), tshuaj xa (cannabis), los sis cov qoob loo tshwj xeeb.

Yog tias tseem tshuav nyiaj tom qab MDA tau muab nyiaj pab rau cov neeg thov uas tsim nyog tau txais nyiaj pab ua ntej lawm, MDA mam faib cov nyiaj pab ntxiv rau cov neeg thov uas tseem tshuav nyob raws li qhov chaw uas lawv tau raug xaiv los ntawm kev cuv xab lab. MDA tau tsim txoj kev cuv xab lab no nrog rau cov kws pab tswv yim los ntawm Minnesota State Lottery. Qhov kev pab cuam no raug luam tawm ua ib daim ntawv cais rau hauv qhov website ntawm [qhov webpage ntawm qhov kev pab cuam no](#).

Cov neeg thov yuav tau txais ntawv ceeb toom txog qhov kev txiav txim siab los muab nyiaj pab tsis pub dhau Lub Kaum Hli.

Muaj Kev Cuam Tshuam Vim Kev Sib Txheeb

Txoj cai rau cov nyiaj pab los ntawm lub xeev yuav tsum muaj cov kauj ruam thiab txheej txheem los tiv thaiv kom tsis txhob muaj kev cuam tshuam vim kev sib txheeb ntawm tus neeg thiab cov koom haum, ob yam uas hais txog cov neeg thov thiab cov neeg uas saib xyuas daim ntawv thov ([MINN. STAT.16B.98 \(grants management process\)](#)) thiab txoj cai [Conflict of Interest Policy for State Grant-Making, 2022 \(Word\)](#)).

Kev cuam tshuam vim kev sib txheeb ntawm cov koom haum tshwm sim thaum:

- Tus neeg uas tau txais qhov nyiaj pab los sis tus neeg thov tsis muaj peev xwm los sis tej zaum yuav tsis muaj peev xwm muab tau kev pab uas dawb huv los sis kev qhia ncaj ncees rau MDA vim muaj kev sib tw ntawm lwm yam hauj lwm los sis lwm yam kev cog lus.
- Txoj kev ncaj ncees ntawm tus neeg tau txais qhov nyiaj pab los sis tus neeg thov hauv qhov nyiaj pab raug los sis tej zaum raug cuam tshuam vim muaj kev sib tw ntawm lwm yam hauj lwm los sis lwm yam kev cog lus.

Yog muaj xwm txheej uas xav tias tej zaum yuav muaj kev cuam tshuam vim kev sib txheeb, los yog tau qhia tawm, los yog tau pom, tus neeg thov los sis tus neeg tau txais qhov nyiaj pab yuav raug ceeb toom thiab yuav

muaj kev nqis tes ua, uas suav nrog tiam sis tsis txwv rau kev tshem tawm ntawm qhov tsim nyog tau txais qhov nyiaj pab los sis tso tseg daim ntawv cog lus ntawm qhov nyiaj pab.

Kev Ceeb Toom Txog Kev Ceeb Ntiag Tug Thiab Kev Faib Qeb Ntawm Cov Ntaub Ntawv

Cov ntaub ntawv uas tus neeg thov muab yuav raug siv los ntsuam xyuas seb tus neeg thov puas tsim nyog tau txais qhov nyiaj pab raws li qhov kev pab cuam no. Kev txiav txim siab los thov qhov nyiaj pab no yog raws kev yeem xwb, thiab cov neeg thov tsis raug cai lij choj yuam kom muab txhua yam ntaub ntawv uas tau thov. Cov neeg thov muaj cai tsis ua tiav daim ntawv thov yam tsis muaj kev cuam tshuam txog kev cai lij choj. Tiam sis, tsuas yog daim ntawv thov uas ua tiav xwb thiab li yuav raug suav cia; daim ntawv thov uas tsis ua tiav yuav tsis raug suav tseg.

Cov ntaub ntawv uas muab nyob hauv daim ntawv thov no thaum xub thawj raug faib qeb raws li txoj cai lij choj Minnesota Government Data Practices Act tias yuav yog ntaub ntawv ntiag tug los sis tsis yog ntaub ntawv rau pej xeem saib, txawm tias muaj qee yam los sis tag nrho cov ntaub ntawv yuav dhau los ua ntaub ntawv rau pej xeem pom nyob hauv tej txheej txheem xyuas daim ntawv thov, tshwj tsis yog tias cov ntaub ntawv ntawd raug faib qeb los ntawm txoj cai lij choj ntawm lub xeev los sis tsoom fwv teb chaws. Kev siv cov ntaub ntawv ntiag tug los sis ntaub ntawv uas tsis yog rau pej xeem saib tsuas yog rau cov muaj cai xwb, suav nrog tiam sis tsis txwv rau cov neeg ua hauj lwm ntawm MDA thiab cov muaj daim ntawv cog lus uas muaj hauj lwm raug cai los siv cov ntaub ntawv ntawd, cov neeg uas tus neeg thov tau muaj kev tso cai, cov neeg uas muaj npe hauv ib daim ntawv xaj los ntawm tsev hais plaub los sis hauv daim ntawv xaj los ua tim khawv los ntawm tsoom fwv, Minnesota Management and Budget, Minnesota Department of Administration, tus auditor ntawm lub xeev, thiab tus auditor ntawm legislature. Yog tsim nyog, MDA kuj yuav muab cov ntaub ntawv rau tub ceev xwm los sis Office of the Attorney General.

Raws li txoj cai ntawm Minnesota txog cov nyiaj pab ([MINN. STAT. 13.599](#)):

- Lub npe thiab chaw nyob ntawm cov neeg thov nyiaj pab, thiab qhov nyiaj pab uas tau thov, yuav yog ntaub ntawv pej xeem thaum cov lus teb ntawm daim ntawv thov raug qhib.
- Tag nrho cov ntaub ntawv uas tseem tshuav hauv cov lus teb ntawm daim ntawv thov (tshwj tsis yog cov ntaub ntawv uas raug faib qeb raws txoj cai, suav nrog cov ntaub ntawv trade secret, saib hauv qab no) yuav dhau los ua ntaub ntawv pej xeem tom qab txheej txheem ntsuam xyuas tau ua tiav (rau qhov nyiaj pab no, thaum txhua daim ntawv cog lus rau qhov nyiaj pab tau raug ua tiav tag).
- Tag nrho cov ntaub ntawv uas MDA tsim los sis khaws cia ua ib feem ntawm txheej txheem ntsuam xyuas (tshwj tsis yog cov ntaub ntawv trade secret, saib hauv qab no) feem ntau yuav dhau los ua ntaub ntawv pej xeem tom qab txheej txheem ntsuam xyuas ua tiav.

Txheej txheem thov kom tiv thaiv cov ntaub ntawv zais ua lag luam (trade secrets):

- Cov ntaub ntawv uas yog trade secret raug faib qeb tias tsis yog ntaub ntawv pej xeem. Yuav kom tsim nyog ua ntaub ntawv trade secret, cov ntaub ntawv ntawd yuav tsum yog tus neeg thov nws tus kheej muab rau MDA (uas yog cov ntaub ntawv hais txog tus neeg thov) thiab yuav tsum haum raws li txoj cai lij choj tau piav hauv txoj cai lij choj ([MINN. STAT. 13.37, subd. 1\(b\)](#)). Yog tus neeg thov xav thov kev tiv thaiv rau cov ntaub ntawv trade secret rau cov ntaub ntawv uas xa hauv daim ntawv thov no, tus neeg thov yuav tsum: 1) qhia kom meej txog cov qauv, qauv coj, kev sib sau ua ke, kev pab cuam, cuab yeej,

txoj kev, los sis txheej txheem uas tus neeg thov ntseeg tias yog cov ntaub ntawv trade secret; 2) piav txog yam kev siv uas tus neeg thov ua los khaws cia qhov zais ntawm cov ntaub ntawv ntawd; thiab 3) piav kom txaus tias cov ntaub ntawv ntawd tau txais nqes nyiaj txiag ywj pheej los ntawm qhov uas tsis yog neeg pej xeeb paub thiab tsis yooj yim nrhiav tau los ntawm lwm tus neeg. Kev thov kev tiv thaiv cov ntaub ntawv trade secret nkaus xwb tsis txhais tias cov ntaub ntawv ntawd yuav raug faib qeb tias tsis yog pej xeeb lawm; kev txiav txim seb cov ntaub ntawv ntawd puas tsim nyog ua ntaub ntawv trade secret yog MDA lub luag hauj lwm raws cai, thiab MDA tsis muaj kev lav tias cov ntaub ntawv uas tus neeg thov tau cim tias yog trade secret yuav raug faib qeb li ntawd. Yog MDA txiav txim tias cov ntaub ntawv ntawd tsis haum raws li kev txhais trade secret, ces cov ntaub ntawv ntawd yuav muaj rau pej xeeb, tshwj tsis yog tias tus neeg thov tau txais ib daim ntawv xaj los ntawm tsev hais plaub uas hais lwm yam.

Txhua tus neeg, lag luam, thiab tib neeg uas thov nyiaj pab hauv lub xeev Minnesota yuav tsum ua raws li txoj cai uas muaj feem. Raws li txoj cai hu ua Right of Setoff ([MINN. STAT. 270C.65, subd. 3](#)), tus neeg tau txais qhov nyiaj pab lees paub tias lawv tso cai sau lawv tus zauv social security, tus zauv se federal employer tax identification number, thiab/los sis tus zauv se Minnesota tax identification number, uas twb muab rau lub xeev lawm, rau cov koom haum se ntawm tsoom fwv thiab lub xeev, thiab rau cov neeg ua hauj lwm ntawm lub xeev uas muaj feem cuam tshuam rau kev them cov nuj nqis ntawm lub xeev. Cov zauv no siv tau rau kev siv txoj cai se ntawm tsoom fwv thiab lub xeev, uas tej zaum yuav ua rau muaj kev nqis tes kom tus neeg tau txais nyiaj pab yuav tsum xa daim ntawv se ntawm lub xeev thiab them txhua yam nuj nqis se uas tseem tshuav, yog tias muaj.

Cov Kev Yuav Tsum Ua Rau Cov Neeg Tau Nyiaj Pab

Kev Lav Ris Thiab Kev Tshaj Tawm

Cov neeg tau txais nyiaj pab yuav tsum muab daim ntawv qhia kev kaw tsev (settlement statement) rau thaj av ua liaj ua teb uas tsis pub dhau peb hnuv ua hauj lwm tom qab kaw tsev. Cov neeg tau txais nyiaj pab kuj yuav raug thov kom muab cov ntaub ntawv ntxiv rau kev tso cai siv thiab.

Cov lus ceeb toom tom qab (follow-up reports) yog ib qho yuav tsum muaj los pab peb txiav txim seb qhov nyiaj pab no yuav muaj kev hloov pauv ntev li cas. Cov neeg tau txais nyiaj pab yuav tsum teb rau cov lus thov txog cov ntaub ntawv tom qab no mus txog tsib xyoo ntxiv tom qab hnuv kawg ntawm daim ntawv cog lus nyiaj pab. Yog tsis teb raws sij hawm, tej zaum yuav cuam tshuam txog koj lub peev xwm tau txais nyiaj pab rau yav tom ntej los ntawm MDA.

Daim Ntawv Cog Lus Rau Qhov Nyiaj Pab Thiab Kev Them Nyiaj

Cov qauv ntawm daim ntawv cog lus nyiaj pab muaj nyob rau hauv [Office of Grants Management Forms thiab FAQs](#) qhov website.

Tom qab tau txais kev pom zoo rau daim ntawv thov thiab ua ntej tau txais nyiaj, tus neeg thov yuav tsum ua raws li nram no:

- Cuv npe ua ib tus vendor hauv SWIFT, uas yog lub xeev qhov system rau nyiaj txiag, los sis mus lees paub tias cov ntaub ntawv hauv SWIFT tseem yog qhov tseeb.
- Xa lwm yam ntaub ntawv uas yuav tsum tau muaj tsis pub dhau 30 hnuv tom qab tau txais daim ntawv ceeb toom txog qhov nyiaj pab.
- Kos npe rau daim ntawv cog lus nyiaj pab uas qhia txog lawv lub hom phiaj yuav ua kom tiav cov hauj lwm uas tau npaj. Daim ntawv cog lus no kuj tso cai rau MDA los xyuas seb txoj hauj lwm ntawd mus txog qhov twg lawm. Daim ntawv cog lus no yuav tsum muaj kos npe tsis pub dhau 10 hnuv ua hauj lwm txij hnuv uas xa mus rau tus neeg tau txais nyiaj pab.

Cov nuj nqis uas tsim nyog tsuas raug suav tom qab daim ntawv cog lus tau kos npe los ntawm ob tog lawm xwb. Cov neeg tau txais nyiaj pab yuav tsum lees tias rau txhua xyoo uas lawv tsis muaj thiab tsis ua liaj ua teb rau thaj av ntawd hauv lub sij hawm ntawm tsib xyoo tom ntej, lawv yuav tsum tau them tus commissioner ib qho nqi nplua sib npaug li 20% ntawm qhov nyiaj pab.

Kev Tshuaj Xyuas Qhov Project

Phau ntawv nyiaj txiag, cov ntaub ntawv khaws tseg, cov ntaub ntawv sau tseg, thiab cov txheej txheem nyiaj txiag uas tus neeg tau txais nyiaj pab los sis lwm tus neeg koom tes uas muaj feem cuam tshuam nrog qhov nyiaj pab los sis kev ua lag luam ntawd yuav raug tshuaj xyuas los ntawm lub chaw muab nyiaj pab thiab tus legislative auditor los sis tus state auditor, raws li tsim nyog ([MINN. STAT. 16B.98, subd. 8](#)).

Tus neeg tau txais nyiaj pab muaj lub luag hauj lwm khaws cia cov ntaub ntawv thiab ntaub ntawv sau tseg uas muaj feem rau qhov nyiaj pab. Qhov kev yuav tsum ua no yuav kav tsawg kawg rau rau xyoo txij hnub kawg ntawm daim ntawv cog lus nyiaj pab; hnub tau txais thiab pom zoo rau txhua daim ntawv ceeb toom kawg; los sis lub sij hawm uas yuav tsum tau kom ua raws li txhua yam uas lub xeev thiab qhov kev pab cuam xav tau, qhov twg los uas ntev.

Txoj cai kom muaj vaj huam sib luag thiab txhob muaj kev ntub ntxaug

Tus neeg tau txais nyiaj pab lees tias yuav tsis muaj kev ntub ntxaug rau ib tus neeg ua hauj lwm los sis tus neeg thov ua hauj lwm vim yog haiv neeg, xim tawv nqaij, kev ntseeg, kev cai dab qhuas, teb chaws yug, poj niam los sis txiv neej, kev sib yuav, qhov xwm txheej uas muaj feem cuam tshuam nrog kev pab rau pej xeeb, kev koom nrog los sis kev ua hauj lwm hauv ib pawg thawj coj hauv zos, kev tsis tau, kev nyiam deev poj niam los sis txiv neej, los sis hnub nyoog rau txhua txoj hauj lwm uas tus neeg ua hauj lwm los sis tus neeg thov ua hauj lwm tsim nyog ([MINN. STAT. 363A.02](#)). Tus neeg tau txais nyiaj pab lees tias yuav ua cov kauj ruam kom muaj kev ncaj ncees rau kev ntiav neeg, kev tsa neeg ua hauj lwm, kev txhim kho, kev cob qhia, thiab ntiav lwm haiv neeg ntau los ua hauj lwm , poj niam, thiab cov neeg muaj kev tsis tau.

Tus neeg tau txais nyiaj pab yuav tsum tsis muaj kev ntub ntxaug rau ib tus neeg ua hauj lwm los sis tus neeg thov ua hauj lwm vim yog kev tsis tau ntawm cev nqaij daim tawv los sis kev tsis tau ntawm hlwb rau txhua txoj hauj lwm uas tus neeg ua hauj lwm los sis tus neeg thov tsim nyog. Tus neeg tau txais nyiaj pab lees tias yuav ua kom muaj kev vaj huam sib luag los ntiav, tsa, thiab kho cov neeg tsim nyog uas muaj kev tsis tau yam tsis muaj kev ntub ntxaug raws li lawv qhov kev tsis tau ntawm cev nqaij daim tawv los sis kev tsis tau ntawm hlwb hauv txhua yam kev coj ua ntawm kev ntiav neeg, xws li: kev ntiav, kev txhim kho, kev txo qib los sis kev hloov chaw, kev nrhiav neeg, kev tshaj tawm, kev txo neeg ua hauj lwm los sis kev tso tseg, cov nqi them nyiaj ua hauj lwm los sis lwm yam nyiaj them, thiab kev xaiv rau kev cob qhia, suav nrog kev cob qhia ib tug neeg kawm ([Minnesota Rules, part 5000.3500](#)).

Tus neeg tau txais nyiaj pab lees tias yuav ua raws li cov cai thiab cov lus txib uas tsim nyog los ntawm Minnesota Department of Human Rights uas tau tawm raws li txoj cai lij choj [Minnesota Human Rights Act](#).

Kev Yuav Tsum Cuv Npe Rau Kev Pov Npav

Tus neeg tau txais nyiaj pab yuav tsum muab kev pab cuam cuv npe pov npav rau nws cov neeg ua hauj lwm ([MINN. STAT. 201.162](#)).

Cov Lus Txhais Thiab Cov Lus Nug Hauv Daim Ntawv Thov

Cov Lus Txhais

Minnesota resident: txhais tias tus neeg thov twb muaj ib lub tsev nyob ruaj khov hauv ciam teb ntawm Minnesota thiab tsis muaj lub hom phiaj yuav tsiv tawm hauv lub xeev.

Good standing nrog lub xeev Minnesota:

- Tsis tshuav se them.
- Tsis tau ua txhaum kev them rov qab rau cov nuj nqis uas lub xeev Minnesota tau pab nyiaj txhawb rau 7 xyos dhau los.
- Ua tau raws li kev cia siab ntawm cov nyiaj pab los ntawm MDA yav dhau los.
- Ua raws li cov cai tam sim no ntawm lub xeev.

Direct ownership: yog thaum ib tus neeg muaj npe ua tus tswv ncaj qha rau thaj av ua liaj ua teb, yog ib tug tswv koom hauv kev lag luam uas muaj thaj av ua liaj ua teb, los sis yog ib tug tau txais nyiaj txiaj ntsig (beneficiary) ntawm ib daim ntawv cog lus txog lub neej tej cuab tam (life estate) uas muaj thaj av ua liaj ua teb.

Indirect ownership: yog txhua yam kev muaj feem koom los sis kev muaj feem tuaj yeem taug qab tau hauv thaj av ua liaj ua teb.

Direct family: yog raws li txhais nyob hauv tshooj cai 267(c)(4) ntawm Internal Revenue Code, uas suav nrog kwv tij muam, tus txij nkawm, niam txiv, pog yawg, cov me nyuam, thiab cov xeeb leej xeeb ntxwv ntawm caj ces. Phauj/txiv ntxawm/hlob, tub/ntxhais uas yog xeeb leej xeeb ntxwv, thiab cov kwv tij neej tsa **tsis** raug suav tias yog neeg txheeb ze hauv tib tsev neeg.

Cov Lus Nug Hauv Daim Ntawv Thov

Cov Ntaub Ntawv Txog Tus Neeg Ua Liaj Ua Teb

- Lub npe ntawm tus neeg thov thiab tus txij nkawm (yog tias muaj)
- Nco Tseg: Txiv neej thiab poj niam uas sib yuav tsuas muaj cai xa ib daim ntawv thov nkaus xwb
- Qhov chaw nyob tam sim no uas siv los txais ntawv xa
- Hnub nyoog thaum lub sij hawm thov (yeem xwb)
- thov kos yes los sis no:
- Koj puas yog ib tug neeg nyob hauv Minnesota?
- Koj puas npaj yuav thaj av ua liaj ua teb raws li ib tus tib neeg los sis raws li kev sib yuav? (LLCs, kev koom tes, nonprofits, corporations, thiab lwm yam lag luam tsis tsim nyog)
- Koj puas nyob rau qhov good standing nrog lub xeev Minnesota?
- Thaj av uas koj npaj yuav puas nyob hauv ciam teb ntawm Minnesota?
- Koj puas yuav muab feem ntau ntawm kev ua hauj lwm thiab kev tswj hwm rau thaj teb uas koj npaj yuav ntawd?

- Koj puas pom zoo tias rau txhua xyoo uas koj tsis muaj thiab tsis ua liaj ua teb rau thaj av ntawd nyob rau lub sijhawm tsib xyoos tom ntej, koj yuav tsum them tus commissioner ib qho nqi nplua sib npaug li 20% ntawm qhov nyiaj pab?
- Xyoo tas los, koj puas tau nyiaj tag nrho tsawg dua \$250,000 los ntawm kev muag qoob loo?
- Xyoo tas los, koj puas tau nyiaj tag nrho tsawg dua \$100,000 los ntawm kev muag qoob loo?
- Koj los sis koj tus txij nkawm puas tau muaj npe ua tswv direct los sis indirect ownership rau ib thaj av ua liaj ua teb los sis lwm yam cuab tam ua liaj ua teb (av cog qoob loo, tsev npua, tsev ntsuab rau kev ua lag luam, thiab lwm yam)?
- Koj puas npaj yuav thaj av los ntawm ib tug neeg uas yog direct family los sis ntawm koj tus txij nkawm uas yog direct family ntawm qhov nyiaj pab no?
- Koj puas tau raug txim hauv ib qho kev ua txhaum uas muaj feem cuam tshuam nrog daim ntawv cog lus nyiaj pab ntawm lub xeev?
- Koj muaj pes tsawg xyoo ntawm kev UA HAUJ LWM ua liaj ua teb?
- Koj qhov kev UA HAUJ LWM ua liaj ua teb yog dab tsi? (Kos txhua qhov uas muaj feem cuam tshuam)
- Loj hlob nyob rau thaj teb ua liaj ua teb
- Muaj kev ua hauj lwm nyob rau lwm tus neeg thaj teb ua liaj ua teb
- Tus tswv thaj teb ua liaj ua teb
- Lwm yam, thov piav qhia
- Tsis muaj kev ua hauj lwm ua liaj ua teb
- Koj tau ua tiav los sis tam sim no puas tseem kawm ib yam kev cob qhia/kev kawm txog ua liaj ua teb twg lawm? (Kos txhua qhov uas muaj feem cuam tshuam)
- Kev kawm txog kev tswj kev lag luam ua liaj ua teb
- Daim degree 2-xyoos los sis 4-xyoos hauv ib qho kev kawm muaj feem cuam tshuam txog kev ua liaj ua teb
- Ua liaj ua teb hauv ib qho incubator farm
- Ua hauj lwm nrog ib tug kws qhia ua liaj ua teb
- Lwm yam, thov piav qhia
- Tsis muaj kev cob qhia ua liaj ua teb
- Lub npe ntawm koj lub tsev kawm ntawv los sis qhov kev cob qhia ua liaj ua teb uas koj tau kawm los yog tseem kawm yog dab tsi?
- Puas muaj lwm yam uas koj xav qhia los qhia txog koj txoj kev paub hauv hom kev ua liaj ua teb uas koj npaj yuav ua rau qhov kev yuav thaj teb no?
- Koj cog los sis npaj yuav cog cov qoob loo twg?
 - Barley
- Taum, noj tau
 - Tshuaj xa (cannabis)
- Pob kws, hom cog rau teb
- Pob kws, hom qab zib
- Nyom qhuav (hay)
- Qoob loo siv los tsim khoom (industrial hemp)
- Tshuaj ntsuab thiab txuj lom
- Paj

- Txiv hmab txiv ntoo
- Tshuaj ntsuab kho mob
- Ua yuj (Nursery crops)
- Hmoov nplej
 - Taum pauv
- Txiv suab puam qab zib
- Paj tshav ntuj
 - Txiv ntoo ntawm ntoo (Tree nuts)
- Nplej
- Zaub
- Lwm yam (thov teev):
- Tsis cog qoob loo
- Koj yug los sis npaj yuav yug hom tsiaj twg?
- Muv/zib muv
- Nyuj/me nyuam nyuj
 - Mis nyuj
 - Tshis
 - Npua
 - Qaib/khaws qe
 - Ya
- Lwm yam (thov teev):
- Tsis yug tsiaj

Cov Ntaub Ntawv Txog Kev Yuav

- Yog muaj, thov muab cov ntaub ntawv hauv qab no txog thaj av ua liaj ua teb uas koj tab tom yuav:
- Cheeb tsam (County)
- Pes tsawg acres
- Tus nqi yuav
- Lub npe ntawm txhua tus muag
- Hnub kwv yees kaw tsev
- Kev piav qhia raws cai (section/sub-section, section, township, range)
- Piv txwv, SW ½ of NW ¼ , Sec. 20, Township 100, Range 50
- Yog muaj, puas suav nrog ib lub tsev nyob los sis lwm yam kev txhim kho uas tsis yog rau kev ua liaj ua teb hauv qhov kev yuav thaj teb no?
- Yog muaj, thov muab cov nyiaj uas npaj siv los them rau qhov kev yuav thaj av no raws li tsim nyog:

	Pes Tsawg	Lub Tsev Txhab Nyiaj, Lub Chaw, Los Sis Lub Npe Ntawm Qhov Nyiaj Pab
Qhov nyiaj ntawm tus neeg yuav		
Down Payment Assistance Grant		
Qiv Nyiaj		
Qiv Nyiaj		
Lwm yam nyiaj pab		
Lwm qhov chaw		
Lwm qhov chaw		